

Guangjisi Minzcu Bau

ganhhau: CN45-0036 B.2018 Nd.11 Ng.14 liggaueq fouhswt nienz ndwencib cocaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3349期

“Fwencuengh” Siengcouh Byaijok Douguek Bae Daengz Ngozlozsw 象州“壮欢”走出国门登陆俄罗斯

Mboengqneix, Aen Duenz Yienjciengq Fwencuengh Siengcouh gungh 14 boux wngciu camgya aen hozdung “bi 2018 byaijhauej Ngozlozsw · angqhoh Cungguek Ngozlozsw gapgyau 69 hopbi gozci doxgyau comzyienj”, aen hozdung neix youq Ngozlozsw Fuzlahdizvoswhdohgwz (Haijsanhveih) Si banh. Bineix dwg Cungguek Ngozlozsw gapgyau 69 hopbi, Ngozlozsw youq Fuzlahdizvoswhdohgwz (Haijsanhveih) Si banh “bi Cungguek”, haiguh “Cungguek Ngozlozsw vwnzva caez doxgyau”

daengj baenzdauq hozdung, yungh neix demgya gij cingzngaih Cungguek Ngozlozsw caeuq doxsaenq canloz. Ndae daengz Aen Lenzhozvei Cuzcin Yisuz Vwnzva Cungguek Guekgya iucingj, Aen Duenz Yienjciengq Fwencuengh Siengcouh riengz duenz guek raeuz camgya yienjok.

Baez neix bouxyienj Aen Duenz Yienjciengq Fwencuengh Siengcouh cungj dwg gyoengqvunz ndawbiengz, gyoengqde saeqsim genjleh 8 hot Fwencuengh yienjciengq, cungfaen langhbaij le gij Fwencuengh conz-

dungj yinx vunz, ndae daengz bouxyawj haenhndei, bingz ndae ciengjdoengz. Neix dwg Fwencuengh Siengcouh baez nduj byaijok douguek, baez nduj byaijwnj aen daizheiq seiqgyaiq, langhbaij gij minzcuz fungcingz lai cungj lai yiengh Cungguek hawj seiqgyaiq yawj, neix vih coglaeng engq ndei vatcimh baujhoh caeuq hwngfat cauhoq gij vwnzva minzcuz conzdungj maenhndei haigvangq lohnaemj moq.

(Cough Yajyi/周雅玉)

SIUSIK DINJ

简讯

● Gveilinz Si Linzgvei Gih Vangzsah Yauzcuz Yangh yungh “dangigen + gunghsw + nungzhoh” vunqsik, daezhawj dinfwngz, ngaenzcienz bangfuz hawj nungzhoh, ciuq dieg bae hwngfat cauhaeb bak moux suen caz byasang, go-lingzyangh daengj gizdieg guhyiengh canjnieb daegsaek, dajcauh gij canjnieb gwzgz “mbanj ndeu yiengh ndeu se ndeu”.

(Suh Gingswng)

● Bi’gvaq doxdaeuj, Nanzdanh Yen hopheux dangigen yinxlingx hwngfat cungjdaej lohnaemj, dawz guh hung cizdij ginghci dangguh gij fwngzgaem youqgaenj ca gihcwngz, dwk giekdae, genhciz “soengq lwed” caeuq “cauh lwed” caemh yungh, yungh lai cungj banhfap gungganq hwngfat guh hung cizdij ginghci. Daengz ndwen 9 byai, aen yienh neix 47 aen mbanjungzhoj gungh bued cienz 2990 fanh maenz, yawhsuenq daengz byaibi daengxcungq mbanjungzhoj ndaw mbanj cizdij ginghci souhauej bingzyaenz daengz 3 fanh maenz doxhwnj.

(Liuz Sicauh)

● Bineix daeuj, Luzcai Yen Bingzsan Cin makgamdiengz sou ndae lai moq, suen mak moix moux ndae daengz 5000 goenggaen doxhwnj. Seizneix, makgamdiengz dangdieg gyaqcienz baefat moix goenggaen 3.5 maenz daengz 3.8 maenz, gyoengq boux ndaem mak yungh ngoenz dienheiq ndei, ciengj sou doenghgij mak neix. Ciuq cam rox, Bingzsan Cin dwg Guengjsae aen cin ndaem makgamdiengz lai ndeu, miz makgam makdoengj 5.4 fanh moux.

(Lai Genveih)

● Ndwen 11 ngoenz 5, Cungzcoj Si Gyanghcouh Gih youq Sinhhoz Cin Aen Dieg Anyouq Gyaranz Hinghhoz haiguh aen hozdung guzgan giyez senj dieg banggunz beuj ranz soengq raeuj, 12 aen giyez simndei Aen Gunghsw Mizhanh Suijniz Hungzsw Cungzcoj, Aen Gunghsw Mizhanh Dangzyez Dunghya Cungzcoj Guengjsae daengj giensoengq gyasei, gyadien, doxgaiq ngoenzyungh daengj doxgaiq hawj ranzenjdieg dieganyouq neix, gyaqcienz dij 176 fanh maenz, yungh gij hengzdoengh saedsaeh bangrengz vut gungz gunggeng.

(Cinz Vazyungz)

Sanhgyangh Doxidax “Dohyeh” Langhbaij Fungcingz



三江“多耶” 竞技展风情

Ndwen 11 ngoenz 10, Sanhgyangh Duncuz Swciyen banh gaiq daihhaj Duncuz “dohyeh” doxdax, 28 aen doihdaiqbiuj daj dangdieg daeuj haenx caemh daiz doxdax, ciengqgo diuqfoux. “Dohyeh” dwg yaem Vahdung, miz gij eiqsei “ciengqgo diuqfoux”, dwg cungj hingzik gofoux conzdungj Duncuz ndeu. Ndaw doz dwg beixnuengx Duncuz diuq “dohyeh”.

(Vuz Lenyinh/吴练勋)

Swhyenz Dajcauh Cingbinj Vwnzva Mbanjyauz 资源打造精品文化瑶乡

Baeznaengz ngoenzhaw roxnaeuz ngoenzciet, vunzlai gak cuz gyoengq mbanj Swhyenz Yen Hozgouj Yauzcuz Yangh caeuq aen yienh aen yangh henzgyawj cungj daeuj aen yangh neix ganj haw, guh gaicawx doxgaiq reihnaz, eu fwen gyau youx, youzcet ingjsiengq daengj hozdung.

Neix dwg gij bienqvaq Swhyenz Yen hwnjguh daegsaek lijyouz, dajcauh cingbinj vwnzva Mbanjyauz

aeundaen haenx. Geij bi neix daeuj, aen yienh neix ciengj gaem hwngfat seizgei, cingjhab ngoenz angqhoh laeb minzcuz yangh, ngoenz angqhoh laeb yienh, hwnjguh lajmbanj hawsingz yienghmoq caeuq hwnjguh lajmbanj “Swhyenz gyaunde” daengj lai fuengmienh swhyenz, youq hwngfat ginghci doengzseiz, ciuq dieg bae hwngfat doicaenh hwnjguh cingbinj vwnzva Mbanjyauz, doiq ndaw haw guh dajcang, cang daeng

henz roen, ndaem faex ndaem va, doiq aen mbanj daegsaek guh dajcang, hwnjguh aen camh youqndwi vwnzva. Ciuq gyoepsuenq, daj bi 2014 doxdaeuj, Hozgouj Yauzcuz Yangh gungh cingjhab bued cienz 1 ik lai maenz, hengzguh gajcauh yienghsiengq, gajguh hawciengz nungzmou, hwnjguh giuzbumz daengj hanghmoeg gungh 50 lai aen.

(Suh Siujginz)